

別下齋叢書

一五

斜下齊書

甌香館集卷六

武進惲 格著

海昌蔣光煦輯

江上懷友

江城鴻雁過霜落芙蓉裏日暮憶遠人鳴琴對秋水

月夜步城北曹園

烟月鎖荒園空臺夜鳴鳩不見歌舞人梨花落如雪

初秋

素月疎櫺外明河深樹中秋聲何處起半夜落梧桐

李侯署中古柏行

素練霜柯高百尺李侯笑指庭前柏根蟠古雪苔蘚斑

冰鱗纏身鐵爲骨勢如潛蛟初起蟄培風將奮摩霄力
拔地驚雷未敢飛翻身回顧猶欲立上枝承露還嵯峨
霧角烟芒翠相織下枝垂垂含勁風纓絡照地光玲瓏
徂徠岱岳借靈氣嶧陽豈羨孤生桐千年鴛水青銅榦
奔空欲使撐河漢雉起聲從岐麥來鶴飛影與青霞亂
鳴琴如坐丹青中攀條烟雨生几案李侯爲我傾玉漿
吹笙夜月招鳳凰始知呼吸通帝座明星玉女紛來翔
安得驂麟上閭闔把手羣真游八荒排雲高議聲琅琅
鏘金戛玉趨巖廊臺畔賡歌賦栢梁此圖披拂生輝光

題野雪軒

半簷窺野色積石傍山楹爲有移梅興因留愛雪名得

雲生曉白借竹起寒聲筆落峨眉想詩餘刻上情如何
乘玉珂只聽上林鶯

題扇

客帳流蘇麝氣薰鷓鴣還覆藕絲裙醒來却怪衣裘濕
枕上猶留昨夜雲

一草堂歌贈董十六舜民

我爲草堂吟長爲草堂客草堂入我畫紈扇不盈尺主
人浩歌脫雙舄天上星辰不可摘人間衡霍非吾宅谿
山借半壁日月走一隙僊人彈碁在白石嬋娟紛如玉
山立纖指調漿出翠釜銅盤然炬明瑤席不出環堵間
如坐青城隈閭巷自車馬薜路無風埃蒙蒙垂蔓葉粲

粲過牆梅若有山根出籬下如聞石隙流泉來爲君歌
擊唾壺胡爲艸堂時聞蟋蟀君何不著書名露續史稱
孤可以懸國門可以傳通都笑彼徇名建鼓而趨折楊
同聲大音凋枯均堂覆杯不知天吳小技驕人見忌壯
夫君不見赤驥在鹽車長鳴太行坂一揮赤汗束蘭筋
絕景奔霄未云晚又不見神魚噴沫鬐蔽天未覩蓬萊
山奚能升紫烟因君草堂歌爲君問千古美人看彈琴
豔曲翻銅虎一草堂有銅虎媒傳奇高軒大蓋滿京華草堂中人
獨愁苦草堂草堂且勿歌高軒大蓋如君何

送友之秣陵

湖南草綠鳴角弓輕裘春向秣陵東吹笛江樓花滿路

柳絲不繫青青驄江淹飄泊春風久空著新詩滿人口
紫燕來時歸未歸臨江送客空回首

秋日湖上訪舊不遇

望湖亭畔聽吹簫畫舫烟波十二橋憶自孤篷飄瘴海
至今雙劍各雲霄關山夜月離樽滿水國秋風別夢遙
回首昔時分手地千林落木正蕭蕭

贈高彙旃先生

鳳曲高千載麟遊竟後時畫前常見易雅變欲刪詩日
月三塗盡蟲沙一代期河汾家學在猶幸奉臯比

過故人墓

黯澹懸封墓草黃天風吹日照滄桑夜珠自與連城碎

衰鳳能先百鳥藏作誅有妻稱柳下招魂無路向瀟湘
不須更聽鄰人笛翹首松雲已斷腸

西冷送季子

君從南海來我過西冷下相問都成隔歲人歸心黯澹
梨花夜月白湖烟空寒聲向東瀉惱亂綠楊絲不繫殘
春駕君乘青雀舫我控雙驪駒雀舫漾滄波驪駒在城
隅越江流雲夜入吳茫茫碧草飛鷗鷺蒲塘日出挂烟
樹棹歌聲轉蘋花去樹頭忽見帆影高立馬還看繫舟
處

送芭侯

僕夫戒行李相送臨河陽仲冬十一月革屨履嚴霜征

人不遑留踟躕周道旁仰面見飛鳥東西各成行奈何
雙青鸞羽翼不並將昨日同衾稠恩情如弟兄一朝逐
轉蓬飄飄竟南翔詎爲兒女態恨恨霑衣裳常恐成參
辰天路永相望薄終豈足道明誓亮難忘願保千金軀
努力崇令芳

亭亭山上松裊裊松上蘿託根一得所百年附崇柯結
交各有因墳簾自相和古道世所棄衆趨難爲多披紛
非金石久要竟何益明德喻中懷邂逅同宿昔所以僑
札交君子三嘆息行矣善自持白首從今夕離別安足
悲黽勉加飧食

花樓曲

爲毛稚黃
悼宋姬

花樓斷古春天江沈新魄金彩芙蓉愁組紉紅燭宵光
散刀尺扇袍離披賣漿客獨捲龍綃倚瑤席聲咽銀雲
五十絃珊瑚挂鏡鸞塵隔蜀山鳳去桐花冷金瓶忽墜
鴛鴦井瓊柱空移碧玉歌曲屏不照黃蛾影盧家蘭堂
蘇合香陰陰碧瓦生璇霜綠苔蒙茸亂光髮無風欲動
真珠裳天迷迷雨唧唧壁衣烟晚蟲絲織菡萏怨紅秋
落盡胭脂色靈牀釭火含微明隔帷如聞解珮聲舊時
折殘櫻桃花雙棲翡翠徘徊鳴堦前履迹猶存否朱草
明年不忍生

雪山

朔風捲樹無雲影半壁寒光天欲冥怪底晴窗見雪飛

江空忽露峨眉頂

樵米數文作霖圖

白雲御冷風知自帝鄉來俄頃已萬里橫過黃金臺麗
哉螭龍衣搖曳上銀浦岱嶽未肯藏膚寸天下雨

題松嶠流泉圖壽黃翁

先生獨行世無西山寥寥天游不知人閒靜對先生嗒
然無言予亦相忘黃唐在抱呼吸天根時聞松風泠泠
澗泉拂我懷袖觸我琴絃聽之希聲在彼毫端以贈先
生媚此靈烟岑岑高巖雲簪其巔游乎此中安知歲年
層巒疊嶂

從君游太古借爾寄牢騷靈襟消尺素原不在山高

國香集卷六
寄桐山姚綏仲

千里江雲不到吳斗邊
龍氣劍長孤花前得句誰相賞
春草西堂夢有無

愛君詩句比芙蓉
老我青蓑笠中春到不消雙鬢雪
牡丹花下歎東風

西湖坐竹上小閣書懷

紅藥氣已薰朱草
裁可卷蘋際掩湖風
西雲自東轉山
烟有時扁峭
倩忽在眼倚嘯臨空樽
賞心遡逾緬遙夜
想鶴鳴蕙花過春峴
故歡未零散蘭期待
今踐拊髀流
秦聲災轂失齊辨
帶長綴愁重酒深度
寒淺乘鯉莫與
同握香不堪展持
此空谷心沈憂爲誰遣

東臯主人招曹劉諸子痛飲牡丹花下余不同遊

悵然有作

東臯主人十日不看花東臯草深路斷金犢車豈知名
花忽借東風力一夜綠光成霧紅成霞此時開軒置美
酒笙簧在左琴在右步障雕闌正寂寥蛸絲欲網紅蕉
牖醉客誰能舞柘枝當筵未忍揮雲母楊子旣停觴曹
生方斷腸庭前小草當春皆作香人間好景如何對此
能相忘南田子遙招呼閉戶不顧高陽徒負郭今有無
縣吏常催租十指倒瀉五嶽圖抽毫空使神靈趨眼前
失却紅氍毹不來花底傾玉壺乾坤久偏仄有人對花
同歎息趙后都非漢殿風麗華曾是陳宮色漆燈晝暗

屏山下茱萸烟冷芙蓉榭當日歌梁囀玉喉於今金粉
銷空夜春風歲歲來江濱那識高堂無美人明月不照
客銅池非我春西江傲吏虛錦茵東臯醉客猶苦貧願
君看花莫辭飲視我頭上無完巾

題落花遊魚

尺波無處宿鴛鴦搖蕩春風荇帶長忽見輕儵初出水
落花如雪過迴塘

西泠馮子新構伊園別業

文園相見日江館正花飛面減何郎粉腰寬沈約圍海
雲低入袖山雨近沾衣莫遣春風過花間暫掩扉
地借迴塘闊軒因積水明戲魚常釣月種柳欲藏鶯簾

捲春山影歌翻子夜聲今宵金谷酒不待美人傾
露蔓平窺戶籬烟半浸池雨深蘭葉重風定岫雲遲春
艸西堂夢桃花小院思聯吟山色裏相問未來時
德公乘興往元直偶然來竹路不相待柴門空自開馬
嘶侵岸草花點過牆苔未覺山林遠如從剡曲迴

夜坐聞鶴鳴

忽從雲外起嘹唳半天聲不覺耳目爽使余林壑清風
高聽更徹霜重夢還驚想未歸瑤島猶迷碧玉笙

見鶴

昨夜長鳴者霜霄一羽衣帝鄉何處在華表幾時歸海
月懸珠樹松雲冷翠微此閒棲未穩且向故山飛

問鶴

虞機方滿目何意落風埃豈爲乘軒寵遙相渡海來五
絃空怨別六翮漫相摧好共翔寥廓凌雲戲九垓

晨臥

敲冰將漑釜侍婢倒空壘僵臥晨難起衡門晝不開凍
雲依斷柳飢鳥啄殘苔自笑非高隱何人泛雪來

嵐翠

嵐翠接雲雲不住可是花源最深處松陰瀑泉如濺珠
看到斜陽不歸去

張子移家詩

方壺渺何許春洞久寂寞未能浮黃雲棲隱入衡霍初

闌竹西徑將支柳南閣庭草覆城烟簷花下山雀起舞

擊珊瑚鮮飈動綃幕勝侶招黃綺仙裳諸子高酣放歌嘯三

山有故人遙訊西飛鶴緘書寄海月三駕過北郭忽逢

天外蹤遂契新知樂張子干闥南逢吾里陸生相友善陸生致書三度訪子城北不遇今

秋邂逅得之別君發秋江歸篷桂花落重來迷巷陌積雪斂

行屨江館凜堅冰夜嘯征衣薄寒色慘乾坤春氣在橐

籥子詠子絃絲子謠子行酌

桃花魚藻圖庚申暮春偶過虞山訪石谷王山人因得晤天涯張先生傾蓋如平生驪

甚快也暇日戲拈小詞索子畫桃花再作若藻游魚以志莊惠之知云爾

照水紅霞動鼓風翠帶長偶然逢惠子相與話濠梁

還里贈鄒敬伯先生